



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

13 հոկտեմբերի 2022 թվականի N 1583 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ
2019 ԹՎԱԿԱՆԻ ՄԱՅԻՍԻ 23-Ի N 672-Լ ԵՎ 2021 ԹՎԱԿԱՆԻ
ԱՊՐԻԼԻ 8-Ի N 505-Լ ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ
ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ, 34-րդ հոդվածների պահանջներով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2019 թվականի մայիսի 23-ի «Ինտեգրված կադաստրի ստեղծման հայեցակարգը և հայեցակարգից բխող միջոցառումների ծրագիրը հաստատելու մասին» N 672-Լ որոշման (այսուհետ՝ որոշում) մեջ և որոշմամբ հաստատված N 2 հավելվածում կատարել հետևյալ փոփոխությունները և լրացումը.

1) որոշման նախաբանում «Հայաստանի Հանրապետության կառավարության 2018 թվականի հունիսի 8-ի «Հայաստանի Հանրապետության կառավարության աշխատակարգը հաստատելու մասին» N 667-Լ որոշման հավելվածի 2-րդ կետի պահանջները՝» բառերը փոխարինել «Գեոդեզիայի, քարտեզագրության և

տարածական տվյալների ենթակառուցվածքի մասին» Հայաստանի Հանրապետության օրենքի 4-րդ հոդվածի «բ» կետի պահանջները՝» բառերով.

2) N 2 հավելվածում՝

ա. 4-րդ կետի 5-րդ սյունակում «2022 թ. դեկտեմբեր» բառերը փոխարինել «2022 թ. դեկտեմբեր-2024 թ. դեկտեմբեր» բառերով,

բ. 5-րդ կետի 5-րդ սյունակում «2022 թ. դեկտեմբեր» բառերը փոխարինել «2024 թ. դեկտեմբեր» բառերով,

գ. 7-րդ կետի 5-րդ սյունակում «2022 թ. դեկտեմբեր» բառերը փոխարինել «2023 թվականի դեկտեմբերի 3-րդ տասնօրյակ» բառերով, նույն կետի 6-րդ սյունակում «185 մլն դրամ» բառերը փոխարինել «Ֆինանսավորում չի պահանջվում» բառերով,

դ. 8-րդ կետի 4-րդ սյունակը «ՀՀ տարածքային կառավարման և ենթակառուցվածքների նախարարություն» բառերից հետո լրացնել «Քաղաքաշինության կոմիտե» բառերով, 5-րդ սյունակում «2022 թ. դեկտեմբեր» բառերը փոխարինել «2023 թվականի դեկտեմբերի 3-րդ տասնօրյակ» բառերով,

ե. 9-րդ կետի 5-րդ սյունակում «2023 թ. դեկտեմբեր» բառերը փոխարինել «2024 թվականի դեկտեմբերի 3-րդ տասնօրյակ» բառերով, իսկ 6-րդ սյունակում «Ֆինանսավորում չի պահանջվում:» բառերը փոխարինել «185 մլն դրամ» բառերով:

2. Հայաստանի Հանրապետության կառավարության 2021 թվականի ապրիլի 8-ի «Ինտեգրված կադաստրի ստեղծման ռազմավարական ծրագիրը հաստատելու մասին» N 505-Լ որոշմամբ հաստատված հավելվածներում կատարել հետևյալ փոփոխությունները և լրացումները.

1) N 1 հավելվածում՝

ա. 3-րդ բաժնի 3.1.2-րդ կետի 1-ին ենթակետի վերջին նախադասությունում «, և կադաստրի վարման գործառնություններն իրականացվելու են «Հայանտառ» ՊՈԱԿ-ի միջոցով» բառերը հանել,

բ. 3.1.2-րդ կետի 2-6-րդ ենթակետերի վերջին նախադասությունները շարադրել հետևյալ խմբագրությամբ՝

«Լիազորված մարմինը Շրջակա միջավայրի նախարարությունն է:»,

գ. 3.1.2-րդ կետի 7-8-րդ և 10-րդ ենթակետերի վերջին նախադասություններում «, ներկա պահին խնդրով զբաղվող ստորաբաժանում չկա» բառերը հանել,

դ. 4-րդ բաժնի 4.4-րդ կետում «Կանոնադրությամբ նախատեսվում է ներառել հետևյալ գործառույթները.» և «Կառավարման բաժինների կամ Գեոմատիկայի կենտրոնի կողմից կայացված որոշումները, պարունակելու են դրույթներ, որոնք սահմանելու են յուրաքանչյուր աշխատակցի համար աշխատանքային պարտականությունները կամ պարտավորությունները:» պարբերությունները շարադրել հետևյալ խմբագրությամբ՝

«Կանոնադրությամբ նախատեսվում է ներառել հետևյալ գործառույթները.

- Երկրատեղեկատվական, կադաստրային շերտերի խմբագրում և մուտքագրում Գեոպորտալ.

- Երկրատեղեկատվական շերտերի տվյալների բազաների ստեղծում, խմբագրում, վարում.

- Ստանդարտացված երկրատարածական տվյալների և մետատվյալների ստեղծում.

- Մետատվյալների շտեմարանի վարում, ստանդարտների համապատասխանեցում.

- Տարածական տվյալների, քարտեզագրական շերտերի ճշտության պարբերաբար ստուգում՝ մշտական գործող ռեֆերենց կայանների ցանցի (ՄԳՌԿՑ) օգտագործմամբ և դաշտային աշխատանքների ստուգաչափումների իրականացմամբ.

- Գեոպորտալի համար նոր երկրատարածական տվյալների ստացում և մուտքագրում, այդ թվում՝ հեռագնման տվյալների վերծանման, անալոգային թեմատիկ քարտեզների թվայնացման, ԱՏՀ մոդելավորման և դաշտային հանույթների միջոցով.

- Ռեֆերենց կայանների կառավարում:

Գեոմատիկայի կենտրոնում ձևավորվելու են մասնագիտական բաժիններ, որոնցով կկատարվեն մասնագիտական համակարգման աշխատանքներ:»,

ե. 5-րդ բաժնի 5.1-ին կետի վերջին պարբերությունը շարադրել հետևյալ խմբագրությամբ՝

«Ինտեգրված կադաստրի իրականացման ընթացքում նախատեսվում է համակարգը ինտեգրել պետական տարբեր մարմինների գործող համակարգերին ինտեգրված կադաստրի ծառայություններից օգտվելու նպատակով:»,

զ. 6-րդ բաժնի 6.2-րդ կետի 3-րդ ենթակետի «բ» պարբերությունում «առանձին կետով նաև նրա՝ ենթակայության ջրային պետական կոմիտեի,» բառերը հանել,

է. 7-րդ բաժնի «7.1.2.1.1 ARPAC ծրագրային փաթեթի կիրառման խնդիրները, լուծման ուղիները» ենթակետի վերջին պարբերության «Այդ նպատակով անհրաժեշտ է իրականացնել 7.1.1 ենթագլխում նշված քայլերը, ինչպես նաև ձեռք բերել համապատասխան USՀ/ GIS ծրագրային փաթեթներ՝ ArcGIS, QGIS և այլն, այնուհետև կատարել դրանց տեղայնացում և համապատասխան ծրագրերի մշակում:» նախադասությունը հանել,

ը. 7.2.1-ին կետի «ա» և «բ» ենթակետերը շարադրել հետևյալ խմբագրությամբ՝

«ա) Բազային քարտեզագրական շերտեր.

Բազային տարածական տվյալները համընդհանուր հասանելի, գաղտնիություն չպարունակող, ժամանակի մեջ կայուն տարածական դիրքով առանձնացվող և այլ տարածական օբյեկտների համար կողմնորոշման հիմք հանդիսացող, առավել օգտագործվող տարածական օբյեկտների թվային տվյալներ են: Բազային տարածական տվյալների խումբը բաղկացած է կադաստրային, տեղագրական և օդատիեզերական լուսանկարահանման տարածական տվյալներից:

Կադաստրային տարածական տվյալը ներառում է վարչական սահմաններ (մարզ, համայնք, բնակավայր, վարչական շրջան), անշարժ գույք (շենք-շինություն, հողամաս, կադաստրային թաղամաս), գնահատում (տարածագնահատման գոտիականություն, գնահատման շրջան, գնահատման խումբ), իրավունք (սեփա-

կանության իրավունքի սուբյեկտ, սերվիտուտ, վարձակալություն (ենթավարձակալություն), հողամասի նպատակային և գործառնական նշանակություն (հողատեսք) և հասցե քարտեզագրական շերտերի խմբերը:

Տեղագրական տարածական տվյալը ներառում է ռելիեֆ (հորիզոնականներ, ռելիեֆի թվային մոդել, լեռնագագաթներ), մակերևութային ջրեր (գետային ցանց, լճեր, ջրամբարներ), տրանսպորտային ցանց (ավտոմոբիլային ճանապարհներ, երկաթուղիներ), պլանաբարձունքային հիմք (պիկետներ, պլանային հիմք, բարձունքային հիմք) և աշխարհագրական անվանում քարտեզագրական շերտերի խմբերը:

Օդատիեզերական լուսանկարահանման տարածական տվյալը ներառում է օրթոֆոտոհատակագծի (օրթոլուսանկարների) ծածկույթ, մոզաիկ տարր քարտեզագրական շերտերը.

բ) Թեմատիկ քարտեզագրական շերտեր.

Թեմատիկ տարածական տվյալներն իրավահարաբերությունների սուբյեկտների կողմից իրենց մասնագիտական գործունեության շրջանակում ստեղծված տարածական տվյալներ են (տնտեսական, գիտական, կրթական և այլն): Թեմատիկ տարածական տվյալների խմբում ներառվում են տարբեր ոլորտների կառավարման ներքո գտնվող տարածական օբյեկտների և ռեսուրսների վերաբերյալ քարտեզագրական շերտերը: Թեմատիկ տարածական տվյալների խումբը բաղկացած է հատուկ պահպանվող տարածքներ, բնական աղետներ, գյուղատնտեսություն, կլիմա, ենթակառուցվածքներ, շրջակա միջավայրի աղտոտվածություն և մոնիտորինգ, անտառներ, երկրաբանություն, արտադրություն, կենդանական և բուսական տեսակների տարածում, պատմամշակութային հուշարձաններ, ջրագրություն, տրանսպորտային ցանց, հողերի աշխարհագրություն տարածական տվյալներից:

Թեմատիկ խմբերում ներկայացված տարածական (քարտեզագրական) շերտերը և հատկանիշները նվազագույն են: Ոլորտային կադաստրի լիազոր մարմիններն իրենց կարիքներից և անհրաժեշտությունից ելնելով՝ կարող են

ավելացնել նաև թեմատիկ խմբերին պատկանող այլ քարտեզագրական շերտեր և հատկանիշներ:»,

թ. 7.2-րդ բաժնի 7.2.2-րդ կետի առաջին նախադասությունը շարադրել հետևյալ խմբագրությամբ՝

«Տարածական տվյալների հենքը ներկայացված է լինելու միջազգային լայն տարածում գտած ձևաչափերով:»,

ժ. 7.2.5-րդ կետից հանել «Սերվերային համակարգը բաղկացած է լինելու 3 հանգույցներից, այն է՝

- Օրթոնկարների, տիեզերական և այլ ուսստերային ֆայլերի սերվեր, նվազագույնը հետևյալ պարամետրերով՝

CPU \geq 3.5 GHz (4 Core) RAM > 32 GB

Storage > 45 TB SSD

- Գեոբազայի սերվեր, նվազագույնը հետևյալ պարամետրերով CPU \geq 3.5 GHz (4 Core)

RAM > 32 GB

Storage > 20 TB SSD

- Գեոպորտալի սերվեր, նվազագույնը հետևյալ պարամետրերով CPU \geq 3.5 GHz (4 Core)

RAM > 64 GB

Storage > 10 TB SSD

Վերը նշված սերվերները ունենալու են նաև տվյալների կրկնօրինակման հնարավորություն:» նախադասությունները,

ժա. 7.2.8-րդ կետի 2-րդ պարբերությունը «Տարածքային կառավարման և ենթակառուցվածքների նախարարության» բառերից հետո լրացնել «և Քաղաքաշինության կոմիտեի» բառերով, իսկ «համայնքների ենթակառուցվածքների» բառերից հետո՝ «և տարածական պլանավորման փաստաթղթերի» բառերով.

2) N 2 հավելվածում՝

ա. 3-րդ կետի 5-րդ սյունակում «2023 թ. հունվարի 3-րդ տասնօրյակ» բառերը փոխարինել «2022-2026 թվականների դեկտեմբերի 2-րդ տասնօրյակ (շարունակական)» բառերով,

բ. 6-րդ կետի 6-րդ սյունակում «ՀՀ պետական բյուջե և օրենքով չարգելված այլ միջոցներ 185 մլն ՀՀ դրամ» բառերը փոխարինել «Ֆինանսավորում չի պահանջվում» բառերով,

գ. 7-րդ կետի 5-րդ սյունակում «2022» թիվը փոխարինել «2023» թվով,

դ. 9-րդ կետի 5-րդ սյունակում «2022 թ. դեկտեմբերի 3-րդ տասնօրյակ» բառերը փոխարինել «2022 թ. դեկտեմբեր-2024 թ. դեկտեմբերի 3-րդ տասնօրյակ» բառերով,

ե. 10-րդ կետի 5-րդ սյունակում «2022 թ. դեկտեմբերի 3-րդ տասնօրյակ» բառերը փոխարինել «2024 թ. դեկտեմբերի 3-րդ տասնօրյակ» բառերով,

զ. 11-րդ կետի 4-րդ սյունակը լրացնել «Քաղաքաշինության կոմիտե» բառերով,

է. 13-րդ կետի 5-րդ սյունակում «2023» թիվը փոխարինել «2026» թվով, իսկ 6-րդ սյունակում «Ֆինանսավորում չի պահանջվում» բառերը փոխարինել «ՀՀ պետական բյուջե և օրենքով չարգելված այլ միջոցներ 5.0 մլն ՀՀ դրամ» բառերով,

ը. 14-րդ կետի 5-րդ սյունակում «2023 թ. դեկտեմբերի 2-րդ տասնօրյակ (շարունակական)» բառերը փոխարինել «2024 թվականի դեկտեմբերի 3-րդ տասնօրյակ» բառերով, իսկ 6-րդ սյունակում «Ֆինանսավորում չի պահանջվում» բառերը փոխարինել «ՀՀ պետական բյուջե և օրենքով չարգելված այլ միջոցներ 185 մլն ՀՀ դրամ» բառերով:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ն. ՓԱՇԻՆՅԱՆ

Երևան